

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

Quòd Eusebius Nicomedensis & Theognis Nicaeus, resumptis animis,
omne studium suum, ad euertendam fidem quae Nicaeae confirmata erat,
conuertebant, excogitato in Athanasium dolo, & de coacta ...

urn:nbn:de:hbz:466:1-12704

SOCRATIS HISTORIAE

cedentibus satanæ inuidia, ut dixi, insidias parare solet. Sed quid sit causæ, cur benignus noster Deus, istud fieri permittat, utrum ut probam spectatamq; ecclesiæ doctrinam excusat, & inanem ostentationem, quæ de fide in nonnullorum hominum animis ingenerari solet, penitus amputet, vel alia de causa, quæcunque tandem illa fuerit, accidat, sicut per difficile est ad explicandum, sic certe paucis expediri non potest: Atque tempus opportunum ad illud indagandum nobis in præsentia non suppetit. Neq; profecto est nobis propositum varias doctrinæ & opinionum sententias exquisitè exagitare, neq; abstrusam & reconditā de prouidentia & iudicio Dei scientiā elicere, sed historiā rerum in ecclesia gestarū pro virili nostra parte explicare. Quoniā autē à nobis commemoratū est, qua ratione execrabilis Manichœorū religio paulo ante Constantini tépora exorta sit, deinceps ad temporū ordinē huic historiæ institutę propositū redeam⁹.

Quod Eusebius Nicomedensis & Theognis Nicæus, resumptis animis, omne studium suum, ad euentendam fidem quæ Nicæa confirmata erat, conuertebant, excogitato in Athanasium dolo, & de coacta Antiochiae Synodo, quæ Eustathium Antiochiae Episcopum deposuit, propter quem exorta seditione ciuitatē delenit. CAP. XVIII.

Eusebius & Theognis ab exilio reuersi, ecclesiarum suarum administrationē denuo capessunt, illis (vti dixi) expulsis, qui erant in eorum loca sufficii: atque adeo ab Imperatore, qui illos propterea in magno honore habebat, quod se à depravata, & peruersa opinione ad rectā sinceramq; receperint, libertatē nō vulgarem illam quidē consequuntur. Isti vero data ipsis libertate abutentes, maiorem tumultum orbi terrarū, quam qui ante excitatus fuerat commouerunt, duobus nominibus ad eam rem impulsi: improba videlicet Arij opinione, quæ eorum animos ante implicatos tenuerat, & capitali odio, quo aduersus Athanasium flagrabant. Nam quoniam ille in concilio, dum erat de con trousis disceptatum, strenue ac fortiter istis restiterat, primum ordinationem eius quasi ad episcopatum gerendum parum

parum idonei, & à viris minimè probatis delecti, inuidiose
criminantur. Verùm vbi ille crimen sibi illatum penitus ab
se depulerat, (eius namque spectata virtus eum in ecclesiæ
Alexandrini episcopatu firme continuit) & pro fide in cō-
cilio Nicæno confirmata acriter decertabat, Eusebius tum
toto pectore, vt dicitur, incubuit, vt Athanasiū per insidias
de eo dignitatis gradu dimoueret, & Arium Alexandriam
reduceret. Nam eo pacto solum ratam de ὅμοσίᾳ, id est,
consubstantiali fidem se posse ab ecclesia exturbare: & pe-
stiferam Arij doctrinam introducere putauit. Eusebius igi-
tur scripsit ad Athanasium, vt Arium & eius fautores in ec-
clesiam admitteret. Et sicut per literas eum obsecravit, sic
minis aliud de oppositis perterrefacere studuit. Ac cū Atha-
nasius nullo modo ad id faciendum adduci posset, impera-
tori persuadere conatur, vt Arium in eius conspectū venire
permitteret, illiq; faceret potestatem Alexandriam reuertē-
di. Sed quibus modis hāc rem valeret efficere, dicam equi-
dem alio loco. Antequam ista res gerebantur, alias in eccl-
esia tumultus ortus est. Nam tranquillum ecclesiæ statum sua
ipsius membra perturbarunt. Itaque Eusebius cognomento
Pamphilus ait, statim post confectum concilium, AEgyptū
seditionem intestinam conflasse: Causam tamen non adiū-
git. Vnde in bilinguis opinionem apud plārosq; venit. Nā
causas reticere propterea putabatur, quod secum decreue-
rat, ea quæ in Concilio Nicæno constabilita erant, sua sen-
tentia neutquam confirmare. Verùm sicut nos ex variis e-
pistolis, quas post concilium episcopi, alter ad alterum scri-
pserunt, perspicue deprehendimus, verbum Consustan-
tiale, nonnullorum animos vehementer cōturbauit: in quo
quidem excutiendo, dum multum temporis ac studij consu-
mebant, eiusq; vim tanquam ad viuum resecare curiose ni-
mirum moliebantur, intestinū bellum inter ipsos excitarūt:
atq; ea quæ gerebantur, nihil à pugna nocturna discreparūt.
Nam minimè omnino ab se mutuo videbatur intelligi, cur
se inter ipsos maledictis concidere occepissent. Etenim qui
vocem Consustantiale repudiabant, illos qui eandem re-
cepérant, Sabellij & Montani opinionem de integro intro-
ducere censuerunt, & ob eam causam eos blasphematores
nuncuparunt, tanquam filij Dei essentiam tollere moliétes.

Qui

SOCRATIS HISTORIAE

Qui autem contra, fidei consubstantialis firmè adhærescebant, alios multos deos inuehere arbitrati sunt, eosque tanquam gentilitatem inferentes auersati. Quinetiam Eulæthius Antiochiæ episcopus, acriter perstringit Eusebiū Pamphilum, utpote fidem in concilio Nicæno roboratam deprauantem. Eusebius Pamphilus tum se fidem illam non omnino violare afferit, tum Eustathium, ut Sabellij opinionem inducentem grauiter insimulat. Et propterea singuli episcopi, velut in aduersarios, scriptis orationibus grauiter inuecti sunt. Cum autem vterque diceret filium Dei cum patre subsistere, & in patre esse, & in tribus personis unum Deum confiteretur, inter ipsos, (qua de causa haud equidē scio) nequaquam consentire, & propterea nullo modo animis acquiescere, potuerunt. Concilium igitur Antiochiae cogitur: Eustathius utpote errori Sabellii magis, quam decreto concilij Nicæni assentiens, episcopatu abdicatur. Verum quidam predicant, alias causas parum honestas eius abdicationis extitisse: non tamen eas palam percensent. Est enim hoc Episcopis in more positum, ut eos, qui abdicatur, accusent, impios pronuncient, causas tamen impietatis minime adiungant. Quod autem episcopi Eustathium, ut improbae Sabellij doctrinæ deditum, dignitatis gradu dimouerant, Cyro Berrensi episcopo eum in crimen illud vocante, Georgius Laodiceæ, que est in Syria episcopus, unus ex eorum numero, qui Consumentiale detestantur, se in laudatione Eusebij Emiseni dixisse, scribit. De isto Eusebio Emiseno aliud erit mihi locus commemorandi. Georgius scribit Eustathium, utpote Sabellij sectæ addictum, à Cyro accusatum: & rursus, Cyrum eiusdem erroris coniunctum, de gradu deiectum, narrat. At qui fieri potest, ut Cyrus, cum labore erroris Sabelliani ipse aspersus esset, Eustathium utpote eadem infectum, in iudicium adduceret? Pro inde Eustathius, ut videtur, aliis de causis episcopatu abdicatus est. Eodem tempore, Antiochiae grauis seditio de eius abdicatione orta. Ac postea sæpe de episcopo deligen do tanta contentionis flamma incendebatur, ut parum absit, quin vniuersam ciuitatem euertisset, populo in duas factiones diuiso: quarum altera Eusebium cognomento Paphilum Cæsarea Palæstinae Antiochiam transferre obinxè

con-

contendit: Altera Eustathium denuo reducere magnopere laborauit. Commune ciuitatis concilium, partim huic, partim illi factioni subsidio fuit. Militum præsidiariorum turba, ipsa contra se, tanquam contra hostes concitata est, adeo ut gladios in se mutuo distrinxissent, nisi Deus, & metus ab Imperatore illis iniectus, multitudinis impetum repressisset. Nam Imperator per literas tumultum exortum, & conflatas seditiones penitus sedauit. Eusebius autem eorum episcopus fieri renuit: ac propterea imperator illum magnopere commendauit. Qua de re literas ad illum scripsit, in quibus eius institutum admodum laudauit: beatum appellat, quod illum non vnius ciuitatis, sed totius fere orbis terrarum episcopatu dignum, omnes uno ore prædicarunt. Octo igitur annos cōtinuos sedes Antiochena dicitur episcopo caruisse. Sero tandem eorum studio & labore, qui fidem in Concilio Nicæno confirmatam euertere nitebantur, Euphronius episcopus designatus est. Sed de Concilio Antiochiae propter Eustathium conuocato, satis multa diximus.

De presbytero qui Arium reuocare curauit, & quomodo Arius Imperatori libello pœnitentiae oblato, fidem Nicæni concilij per simulationem calculo suo comprobauerit.

C A P. XIX.

STATIM post, Eusebius, qui iam pridem episcopatum Beiruti reliquerat, & id téporis ecclesiæ Nicomedensi præerat, vna cum suis fautoribus pro viribus laborauit, ut Arium Alexandriam reduceret. Verum qua ratione istud effecerint, & quo pacto Imperator persuasus sit, ut Arium, & Eusoium pariter in ipsius conspectum venire pateretur, hoc loco dicendum arbitror. Imperator sororem habuit nomine Constantiam. Ista vxor fuit Liciinij, qui primum cum Constantino Imperij particeps fuit: deinde tyrannidem exercuit: qua de causa ad extremum trucidatus est. Huic Constantiæ cum presbytero quodam sectæ Arianæ dedit magna intercedebat familiaritas: cum sibi intimum habuit. Ille tum Eusebij & necessariorum eius impulsu, sermonem

cum